



Broj: 15-03-16-5-23-196/24
Datum: 5.2.2025. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav (2) tačka d) i člana 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U o poništenju postupka trećeg mini-tenderisanja

Član 1.

Poništava se postupak javne nabavke **usluga organizovanja putovanja i avio-karata na relaciji Sarajevo-Brisel-Sarajevo**, (postupak pokrenut i objavljen na Portalu javnih nabavki Bosne i Hercegovine, Obavještenje o nabavci broj 1110-7-2-77-3-111/24 od 8.10.2024. godine), raspisan u skladu sa Pozivom za dostavljanje cijene ponude u postupku mini-tenderisanja javne nabavke usluga organizovanja putovanja i avio-karata na relaciji Sarajevo-Brisel-Sarajevo, broj 15-03-16-5-23-171/24 od 28.1.2025. godine, koji je proveden postupkom konkurentskog zahtjeva za dostavljanje ponuda sa mini-tenderisanjem.

Član 2.

Ova odluka se dostavlja ponuđaču u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon preduzetih aktivnosti, Komisija za provođenje postupka javne nabavke usluga organizovanja putovanja i avio-karata je konstatovala da je rok za prijem ponuda u postupku trećeg mini-tenderisanja 5.2.2025. godine do 10:00 sati, te da je do navedenog roka na pisarnicu Agencije pristigla jedna (1) ponuda i to ponuđača „Trend Travel“ d.o.o. Sarajevo. Neblagovremenih ponuda nije bilo.

Komisija je prema specifikaciji navedenoj u pozivu, a nakon provedenog postupka analize i ocjene ponuda, izradila Zapisnik o pregledu i ocjeni ponuda, broj 15-03-16-5-23/2024 od 5.2.2025. godine, u u kojem su detaljno obrazloženi razlozi donošenja odluke o poništenju postupka nabavke.

U skladu sa navedenim zapisnički je utvrđeno da ponuda ponuđača „Trend Travel“ d.o.o. Sarajevo ne ispunjava zahtjeve u pogledu tehničke specifikacije navedene nabavke. Naime u tehničkoj specifikaciji predmetne nabavke je definisano da ponuđači mogu u slučaju presjedanja ponuditi avio-karte gdje je vrijeme između letova duže od dva (2) sata a kraće od četiri (4) sata. Analizom ponude „Trend Travel“ d.o.o. Sarajevo ustanovljeno je da je ponuđena karta sa presjedanjem gdje je vremenski razmak između letova kraći od dva (2) sata, zbog čega je Komisija odbila ponudu ovog ponuđača kao nepravilnu. S obzirom da je ovo jedina ponuda u postupku Komisija je predložila donošenje odluke o poništenju ovog trećeg postupka mini-tenderisanja u skladu sa članom 69. stav (2) tačka d) Zakona o javnim nabavkama.

Na osnovu prijedloga Komisije odlučeno je kao u dispozitivu ove odluke.



Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje, u roku od pet (5) dana od dana prijema ove odluke, Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: Almir Badnjević potpisano / digitally signed